

Exp. Tecol: 2025/G001/003159

DECRETO

Excmo. Sr. alcalde presidente do Excmo. Concello de Lugo, don Miguel Fernández Méndez.

Logo do infortunado falecemento de dona Mercedes Paula Alvarellos Fondo, anterior alcaldesa deste Excmo. Concello, o actual titular da Alcaldía tomou posesión do dito cargo nunha sesión plenaria extraordinaria celebrada o día 11 de marzo de 2025.

Posteriormente, o día 19 de marzo de 2025, determinouse a nova organización da corporación e dentro da ÁREA DE XESTIÓN INTEGRAL DE RECURSOS INTERNOS, URBANISMO E DEPORTES E XUVENTUDE e, en concreto, dentro da CONCELLERÍA DE CARÁCTER ESPECÍFICO DE URBANISMO E DEPORTES E XUVENTUDE, atópase integrado un DIRECTOR XERAL DE URBANISMO coas funcións que lle atribúe o artigo 56 do ROMGA en materia de urbanismo, de xeito que quedaban adscritos á citada dirección xeral as unidades e os correspondentes postos de traballo que forman parte dos servizos de Urbanismo, Licenzas, Arquitectura e da oficina de Arqueoloxía.

Esta Alcaldía, á vista dos cambios acaecidos e do disposto no artigo 124 da Lei 7/1985, do 2 de abril, reguladora das bases do réxime local, e da necesidade de afrontar o que resta de mandato coa debida organización e coordinación, RESOLVE:

PRIMEIRO.- Impulsar, coordinar e supervisar as actividades que constitúan parte da xestión ordinaria do órgano directivo así como velar polo bo funcionamento dos órganos e unidades administrativas e servizos adscritos ao centro directivo.

SEGUNDO.- Correspóndelle á Dirección Xeral de Urbanismo a coordinación executiva e supervisión directa dos asuntos e actividades relacionados coas seguintes materias:

- ordenación e xestión urbanística e execución do planeamento urbanístico,
- intervención na regulación do mercado do solo e xestión do patrimonio municipal do solo,
- intervención no exercicio das facultades dominicais relativas ao uso do solo e edificación,
- actuacións de disciplina urbanística,
- promoción e xestión de vivenda,
- conservación e protección do patrimonio histórico-artístico,
- fomento da conservación e rehabilitación das edificacións,

ACTAS E GOBERNO

AMRG/cal

Refº: ispac6371939892414657661.doc

Asunto: DELEGACIÓNS DA ALCALDÍA NO DIRECTOR XERAL DE URBANISMO

- actuacións de arqueoloxía para preservación do patrimonio,
- vixilancia e control de establecementos industriais, comerciais, de servizos, de espectáculos e actividades recreativas, establecementos públicos e outras instalacións sometidas a autorización municipal.

SEGUNDO.- Delegar na Dirección Xeral de Urbanismo a supervisión das propostas de resolución que adopte o concelleiro delegado ou tenente delegado de área, de ser o caso, e a elaboración e conformación daquelas propostas que sendo igualmente asinadas polo técnico competente, o servizo respectivo someta á aprobación de órganos distintos dos anteriores (Xunta de Goberno ou Pleno), nas materias sinaladas no resolvo anterior.

TERCEIRO.- VIXENCIA:

1. Este decreto entrará en vigor en tanto non se proceda á súa modificación, producirá efectos dende o día da súa sinatura e seralle notificado ao interesado e ás dependencias municipais afectadas, e a delegación de atribucións conferidas - para a súa eficacia- requirirá ser aceptada por parte do director xeral de Urbanismo, aceptación que se entenderá feita polo transcurso de TRES DÍAS dende a notificación sen que se fixese manifestación ningunha ao respecto (artigo 7.3 do ROMGA).

2. Deste decreto daráselle conta ao Excmo. Concello Pleno e procederase á súa publicación no Boletín Oficial da Provincia e no portal de transparencia municipal, así como no Taboleiro Electrónico.

Cúmprase.

Asinado dixitalmente polo Excmo. Sr. alcalde presidente, don Miguel Fernández Méndez.